



Minggu , 17 April 2022

Ogen: Lukas 24:1-12



IA ENGGO IPEKEKE



Kematen e me sada kejadi si la banci lang ibentasi manusia. Amin bage gia pastina kematen e reh ndahi manusia labo piga manusia si ersikap ndalanisa. Erkiteken bage biarna manusia bengket ku bas doni kematen, Dibata alu caraNa mpetatap ukur manusia bage pe ncidahken maka kematen e labo man kebiarenken.

Bage me arah renungenta wari enda nuriken kuga diberu-diberu si ndeher ras Jesus, ajar-ajar, singikut-ngikut Jesus sedekah enda, dem denga nge aru ate. I bas kearun atena ersikap denga ia lako ngerempah-rempahi mait Jesus. Eggo ia ersikap dengen pagi-pagi si lampas berkat ia ndahi kuburen Jesus. Diberu-diberu e me: Maria Magdalena, Johana, Maria Nande Jakub bage pe diberu-diberu sideban. Kai sijumpaina i je? Lanai je mait Jesus tapi jumpa ia ras dua kalak dilaki, turah biarna e maka mungkuk ia nembah. Tapi ipetetap malekat si jumpa rassa e me ia kerina e maka tambah pengangkanna kerna kekeken Jesus. Jesus nggeluh mulihi, kematen italukenNa. Kenca megri berita e, labo ia kem, sinik tapi minter keke, mulih ia ikuburen nari iturikenna man ajar-ajar Jesus kai si idah ras ibegina. Amin sebagin la tek, bual akapna sierberita e tapi Petrus kiam ku ku buren atena mbuktiken kai si ibegina. Jesus enggo keke, kematen lanai man kebiarenken sabap enggo italukenNa. Enda me keriahen simbelin man kalak perdosa, sabap kematen si jadi upah dosa si mbelin enggo italuken. Keriahen enda arus iberitaken man kalak sideban, keselamatan si ibereken Jesus arus igeluhkan alu dem pengatakan bujur. Nggeluhlah alu benar ras bujur, mehuli ras peduli sabap la lit keriahen siterbelinen seakaten kematen enggo talu keselamatan ialoken. Selamat PASKAH.

✠ Jesus enggo keke kita pe menang